

Headline	Nasib bakal jemaah haji diketahui minggu depan		
MediaTitle	Sinar Harian		
Date	04 Jun 2020	Color	Black/white
Section	Nasional	Circulation	140,000
Page No	9	Readership	420,000
Language	Malay	ArticleSize	113 cm ²
Journalist	N/A	AdValue	RM 1,266
Frequency	Daily	PR Value	RM 3,797



Nasib bakal jemaah haji diketahui minggu depan

PUTRAJAYA - Nasib 31,600 bakal jemaah haji negara ini sama ada dibenarkan menunaikan rukun Islam kelima itu di Tanah Suci Makkah akan diketahui minggu hadapan susulan pandemik Covid-19 yang melanda dunia.

Menteri di Jabatan Perdana Menteri (Hal Ehwal Agama), Datuk Dr Zulkifli Mohamad Al-Bakri berkata, mesyuarat berkenaan diadakan bersama Tabung Haji baru-baru ini.

“Hasil mesyuarat itu akan dibentangkan di Kabinet sebelum dipersembahkan kepada Yang di-Pertuan Agong,” katanya menerusi satu kenyataan di sini semalam.

Menurutnya, keputusan perbincangan itu akan diumumkan minggu hadapan.

Pada Januari lalu, Tabung Haji yang merupakan syarikat pengendali haji terbesar di negara ini telah menghantar surat tawaran kepada

31,600 bakal jemaah bagi musim haji 1441H.

Pada 20 Mei lalu, Malaysia dilaporkan akan menunggu pengumuman kerajaan Arab Saudi terlebih dahulu sama ada umat Islam dibenarkan untuk menunaikan haji tahun ini atau sebaliknya.

Kelmanin, Indonesia memutuskan tidak menghantar bakal jemaah haji pada tahun ini berikutan wabak Covid-19 belum berakhir.